

ÿ

Ministarstvo vanjskih poslova ne obavlja radnje registracije kancelarije i/ili predstavnika inostranih medijskih kuća. Zavisno od sjedišta predstavnika registrovanje pravnog lica obavljaju nadležni lokalni organi. Ured za odnose sa javnošću u Ministarstva vanjskih poslova Bosne i Hercegovine izdaje akreditacijske iskaznice za uposlenike inostranih dopisništava akreditirane u Bosni i Hercegovini.



Za izdavanje iskaznice, potrebno je Uredu za odnose sa javnošću dostaviti pismeni zahtjev za izdavanje iskaznice. Zahtjev podnosi uredništvo medijske kuće koja formira dopisništvo i mora sadržavati ime i prezime, datum i mjesto rođenja, državljanstvo, broj identifikacione isprave (pasaporta za stranog državljanina, li na karta za državljanina BiH) osobe za koju se podnosi zahtjev.

Iskaznica se izdaje isključivo lično osobi na koju se odnosi. Uz zahtjev je potrebno donijeti sljedeće:

- fotokopiju identifikacionog dokumenta,
- jednu fotografiju veličine 4x3 cm,
- popunjen formular za izdavanje akreditacija (**Form.pdf**).

Iskaznica se izdaje najduže na period od jedne godine nakon čega je moguće produženje uz podnošenje zahtjeva za produženje važenja iskaznice.

Akreditacijska iskaznica za predstavnike stranih medijskih kuća služi isključivo kao identifikacijski dokument prilikom obavljanja dužnosti vezanih za izvještavanje iz Bosne i Hercegovine. Svi nosioci akreditacije su dužni poštovati pravila ponašanja propisana od strane organizatora događaja o kojem se izvještava i ne predstavlja privilegiju bilo koje vrste. Izdavanjem akreditacijske iskaznice, dopisništvo će ujedno biti uključeno u listu medija kojima se dostavljaju saopštenja MVP-a BiH, ali napominjemo da se time ne uključuju u listu ostalih institucija.

Za dodatne informacije možete se obratiti predstavnicima Ureda za odnose sa javnošću u Ministarstva vanjskih poslova Bosne i Hercegovine na telefone +387 (0)33 281 125, +387 (0)33 281 126, +387 (0)33 281 297 i +387 (0)33 281 320 ili telefaks: (0)33 227 156.